



**Kua rangitahi
te katia o
Walmsley
Road**

Te Kaupapa Whakapakari i a Te Ararata Creek i te Waipuke



Atu i a Oketopa 2025 ka rangitahi te katia o Walmsley Road, i waenga o Hall Ave me McKenzie Drive, ki ngā waka.

E tino heke ai te tūraru o ngā papanoho me ngā rori i te waipuketanga i Te Ararata Creek, ka whakakapi a Healthy Waters, nā Te Kaunihera o Tāmaki Makaurau, me tō mātou hoa kirimana, me HEB, i a Walmsley Road Bridge e nui ake ai te rerenga o te wai i raro iho.

Ka pēhea te pāngia ōku?

Ngā rā	4 o Oketopa 2025 – Mutunga o Maehe 2026
Te wāhi	Walmsley Road, i waenga o Hall Ave me McKenzie Road, Māngere
Ngā pānga ki te hāereere:	- Ahako te wā, e kore e āhei te hāereere i Walmsley Road, i waenga o Hall Avenue me McKenzie Road, ka mutu, ka whakakorehia hoki ngā tūranga waka i te tiriti. - Ka āhei tonu tō hīkoi me tō paihikara i tētahi arawhiti rangitahi - E haumarua tonu ai te terenga o ngā waka, ka whakatūria ōna ritenga rangitahi hei whakahaere i ngā waka, tae atu ki ngā rama ārahi waka, ki ngā puku whakapōturi, ki ngā porowhawhe, ki te whakahekenga paetere, ki te whakawātea hoki i ngā tūranga waka i ngā ara autaki.
Ngā ara autaki:	- Ko ngā waka e tere ana i Walmsley Road ki te rōnaki ki SH20 Northbound, ka tohua kia haere kē mā Mahunga Drive me Rimu Road. - E rua ngā ara autaki hei kōwhiri mā te hunga e haere ana mā runga waka i Walmsley Road i/ki McKenzie Road, i/ki Miller Road, i/ki Coronation Road: - mā Hall Avenue, mā Elmdon Street mā Bader Drive hoki, - mā Kirkbride Road, mā Massey Drive mā Savill Drive hoki rānei. - Whāia te katoa o ngā tohu ārahi, o ngā tohu hiko me ngā tohutohu e haumarua ai. - Ka wātea tonu ngā rōnaki ki/i SH20. - Tirohia ngā taupānga whakaterere e kitea ai ngā ara pai katoa.

Te hāereere i Māngere

I te āhua o ngā waka i ngā hāora toritori o te rā mahi, me whakarite kia 15 meneti atu anō te roa ake o tō haerenga.

Mehemea kei tētahi ara autaki tō kāinga, tō wāhi mahi rānei, kei ohore koe i te maha ake, i te hoihoi ake hoki o ngā waka.

Ka tere hoki ngā pahi o te 309 me te 309x mā ngā ara autaki. Toro atu ki te taupānga kawekawe o AT e kitea ai te korenga rānei o tō tūnga, te terenga rānei o tō pahi mā te ara autaki, ngā tūnga kē atu hoki e pātata katoa ana.

E mārama ana ki a mātou te whakapōreareatanga ka hua i ēnei panonitanga, ā, ka whai mātou kia iti te pānga ki te hāpori, kia tere noa hoki ngā waka i ōna wā ka taea te pērā. Ka aroturukingia ngā rori taiāwhio i ia hāora o ia rā. Heoi anō, ki a mātou, ko te whakahoki kōrero a te hāpori te ara pai katoa e wawe ai te mārama me te urupare ki ngā raruraru.

Mehemea ka pā ki a koe tētahi take totoa e pā ana ki ngā waka, waea mai ki te 09 301 0101

He pārongo atu anō

Mehemea e pīrangi ana koe ki ētahi pārongo atu anō e pā ana ki te pekanga o ngā waka, e pā ana rānei ki Te Kaupapa Whakapakari i a Te Ararata Creek i te Waipuke, whakapā mai ki te ohu o te kaupapa mā te whakamahi i ngā taipitopito o raro nei, matawaitia rānei te waehe QR.


Ngā mihi,

Leighton Gillespie

Kaiwhakahaere Kaupapa



Ngā ara autaki



Need further information?



Visit: aucklandcouncil.govt.nz/te-ararata-creek



Phone: 09 301 0101



Email: bluegreen@aucklandcouncil.govt.nz